

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona na 32. sjednici, održanoj 29.10.2015. godine, d o n o s i

ZAKLJUČAK

I.

Prima se na znanje Informacija o stanju popunjenosti policijskih službenika u Upravi policije Ministarstva unutrašnjih poslova Zeničko-dobojskog kantona.

II.

Zadužuje se Ministarstvo unutrašnjih poslova da pokrene proceduru prijema 100 novih policijskih službenika u činu policajac na način i u proceduri propisanoj Zakonom o policijskim službenicima Zeničko-dobojskog kantona - Prečišćeni tekst ("Službene novine Zeničko-dobojskog kantona", broj:4/14).

III.

Zaključak stupa na snagu danom donošenja.

Broj: 02-_____ /15.
Datum, 29.10.2015. godine
Zenica

PREMIJER

Miralem Galijašević

DOSTAVLJENO:

1x Ministarstvo unutrašnjih poslova,
1x a/a.



Broj: 08-04/1-_____/15

Dana: 21. 10. 2015. godine

PREDMET: Informacija o stanju popunjenosti policijskih službenika u Upravi policije
Ministarstva unutrašnjih poslova, dostavlja se,-

VEZA: Zaključak Vlade Zeničko-dobojskog kantona broj: 02-34-20044/12 od 12. 9. 2012.
godine

Zaključkom Vlade Zeničko-dobojskog kantona broj i datum kako je naprijed navedeno Vlada Zeničko-dobojskog kantona primila je na znanje Informaciju o kretanju ljudskih resursa u ovom Ministarstvu u narednih pet godina sa prijedlogom za stabilizaciju i poboljšanje stanja u kojoj je data i projekcija prijema policijskih službenika za period 2013-2017 godina. Prema toj Informaciji u ovom Ministarstvu planirano je da se u 2013. godini izvrši prijem 100 policijskih službenika, u 2014. godini 70 policijskih službenika, u 2015. godini 60 policijskih službenika, i u 2016. i 2017. godini od po 50 policijskih službenika.

Prema navedenoj Informaciji ovo Ministarstvo planirani broj prijema policijskih službenika u 2013 godini od 100 policijskih službenika nije realizovalo zbog programa mjera štednje koji je bio aktuelan u navedenoj godini. U 2014. godini iako je program na snazi ovo Ministarstvo je izvršilo prijem 60 policijskih službenika od čega je 50 policijskih službenika za čin policajac i 10 za čin mlađi inspektor, što u odnosu na broj planiranih u Informaciji predstavlja manjak od 10 policijskih službenika. Također, u 2015 godini prema Informaciji ovo Ministarstvo je izvršilo prijem 60 policijskih službenika kako je i planirano. Dakle, ukoliko se uzme u obzir broj planiranih policijskih službenika koji bi se trebali primiti kako je prikazano u Informaciji i broj primljenih policijskih službenika evidentno je da se nije izvršio prijem planiranih 110 policijskih službenika.

S tim u vezi ovom informacijom želimo ukazati na probleme koji bi se mogli pojaviti ukoliko u kraćem periodu ovo Ministarstvo ne pokrene proceduru prijema novih 100 policijskih službenika, iz sljedećih razloga:

- u Upravi policije je od ukupno sistematizovanih 1235 radnih mjesta sa statusom policijski službenik, trenutno upražnjeno 243 radnih mjesta policijskih službenika,
- do kraja ove godine očekuje se prestanak radnog odnosa za još oko 10 policijskih službenika po osnovu navršenih 40 godina penzijskog staža, što ukupno za 2015 godinu iznosi 40 policijskih službenika kojima je prestao radni odnos po raznim osnovama,
- zbog utvrđenog drugog stepena invalidnosti određeni broj policijskih službenika se mora rasporediti na druge poslove u Ministarstvu što je rezultat starosne strukture policijskih službenika gdje je prosjek starosti 45 godina,



-u određenim policijskim stanicama nedostatak policijskih službenika može uticati na bezbjednost imajući u vidu značajniji broj nepopunjenih radnih mjesta,

-procedura prijema je prilično kompleksna i zahtjeva vrijeme i sredstva,

-po okončanju procedure prijema odabrani kandidati će bit upućeni na osnovnu policijsku obuku koja za čin policajac traje 12 mjeseci, a za čin mlađi inspektor 6 mjeseci.

Smatramo da je ovaj prijedlog opravdan i predlažemo da primite na znanje ovu Informaciju i donesete zaključak kojim bi se odobrilo pokretanje procedure za prijem 100 novih policijskih službenika u činu policajac .

S poštovanjem!

Prilog:

- Zaključak Vlade o primanju na znanje Informacije o kretanju ljudskih resursa za period 2013-2107 godina.,

- Dijagram koji prikazuje stanje i kretanje policijskih službenika u Upravi policije.

Dostavljeno:

- 1x Naslov

M I N I S T A R

Hajrudin Žilić



Trg BiH broj 6 Zenica, Telefon 032/449-249,

www.mupzdk.gov.ba

E-mail: mupzdk@mupzdk.gov.ba